

Glosar novih autora

VEDADA BARAKOVIĆ, doktor žurnalističkih nauka, rođena 1958. godine u Gračanici, gdje je završila osnovno i srednje obrazovanje, diplomirala je na Fakultetu političkih nauka u Sarajevu, magistrirala na istom fakultetu 2004., a doktorirala 2007. godine. (detaljnije biografske i bibliografske podatke o ovoj našoj novoj saradnici objavljujemo u rubrici „Predstavljamo: doktori nauka s područja Gračanice” u ovom broju Časopisa),

ZIJAD DŽAFIĆ, doktor ekonomskih nauka, 1970. u Gračanici, osnovnu školu je završio u Gornjoj Orahovici, a srednju elektro-tehničku školu 1989. godine u Gračanici. Na Ekonomskom fakultetu u Tuzli diplomirao 1995. godine, magistrirao 2002. i doktorirao 2005. godine. (detaljnije biografske i bibliografske podatke o ovom našem novom saradniku objavljujemo u rubrici „Predstavljamo: doktori nauka s područja Gračanice” u ovom broju Časopisa),

SAMER FAZLIĆ, rođen 1972. godine u Doboju, djetinjstvo i mladost proveo, uglavnom, u Gračanici, gdje je završio osnovnu školu, a 1987. godine upisao

Vojnu gimnaziju u Beogradu na kojoj je maturirao 1991. godine. Učestvovao je odbranbeno-oslobodilačkom ratu iz kojeg je izašao sa činom poručnika ARBiH. Završio je Filozofski fakultet u Tuzli, Odsjek historija – geografija. U školskim 2002/03. i 2003/04. bio je angažovan na Prirodno-matematičkom fakultetu u Tuzli, Odsjek za geografiju, u svojstvu asistenta u naučnoj oblasti Fizička geografija. Radio je kao nastavnik u OŠ „Hasan Kikić“ u Gračanici a trenutno je zaposlen u SOS Dječjem selu Gračanica. Student je postdiplomskog studija „Geografske osnove regionalnog i prostornog planiranja“ na Prirodno-matematičkom fakultetu u Sarajevu. Do sada je objavljivao priloge u *Geografskom listu*, kojeg izdaje Geografsko društvo Federacije Bosne i Hercegovine.,

IRENA HADŽIABDIĆ, magistrica pravnih nauka, rođena u Zenici 1960. godine. Osnovnu školu i gimnaziju završila u rodnom gradu, a diplomirala na Pravnom fakultetu u Beogradu. Postdiplomske studije završila u Velikoj Britaniji, oblast *Evropska politika, pravo i menadžment*, te 2007. godine stekla zvanje magistra nau-

ka. Prvo radno iskustvo stekla je kao advokatski pripravnik, a nakon toga je radi na poslovima diplomiranog pravnika u Upravno-pravnom odjeljenju Ministarstva unutrašnjih poslova Zenica. Dugi niz godina usavršavala se u sferi izbora kroz razne vrste edukacija u zemlji i inostranstvu. Od 1997. godine naizmjenično radi na poslovima u Odjelu za izbore i Odjelu za demokratizaciju u Organizaciji za sigurnost i saradnju u Evropi (OSCE), a od 2001. godine kao Izvršni direktor međunarodne fondacije za izborne sisteme – IFES. Početkom septembra 2007. godine imenovana je za člana Centralne izborne komisije Bosne i Hercegovine. Na listi je eksperata za izbore OSCE ODIHR-a i UN-a. Od 2002.–2007. godine kao član ekspertnog tima OSCE ODIHR (Odjel za izbore Ureda za demokratske institucije i ljudska prava pri Organizaciji za sigurnost i saradnju u Evropi), procjenjivala je uspješnost izbora i rad izborne administracije u SAD (Florida), Albaniji, Španiji, Rumuniji, Bugarskoj, Kanadi, Holandiji, Švajcarskoj, Keniji i Islandu. Napisala je više članaka i tekstova za stručne publikacije u vezi sa izborima u BiH, te bila glavni i odgovorni urednik lista „Izbori“. Osim toga, učestvovala je kao predavač na nizu konferencija, kurseva i radionica o izborima, pri čemu se izdvajaju godišnje konferencije Udruženja evropskih izbornih zvaničnika u Moskvi 2002., u Tirani 2004., te Kursevi Centra za sigurnosne studije u Ženevi 2003. i 2006. itd. Kao izvršni direktor Udruženja izbornih zvaničnika u BiH, 16. maja 2003. godine nominirana je za nagradu „Žena godine u BiH“ za područje društvo i politika, koju je organizirao list „Žena 21“ i izabrana među tri najbolje kan-

didatkinje u BiH.,

ENIZ HUKIĆ, profesor likovnog obrazovanja i vaspitanja, rođen 1975. godine u Srebrenici. Srednju školu završio je u Tuzli, a Akademiju likovnih umjetnosti, 2006. godine, u Sarajevu. Živi i radi u Gračanici kao profesor likovnog obrazovanja u Gimnaziji „Dr. Mustafa Kamarić“. Do sada nije imao samostalnih izložbi, ali je sa svojim radovima učestvovao na manifestaciji „Dani Ismeta Mujezinovića“, koje svake godine organizuje Gimnazija u Tuzli, u čast velikog slikara, čije ime nosi. Na konkursu za najbolji likovni izraz u kategoriji profesora likovnog obrazovanja svih gimnazija iz BiH, koji je sastavni dio te manifestacije, 2006. godine, osvojio je prvu nagradu. U tematskom pogledu, u svom radu najviše preferira pejzaž i arhitekturu (stare građevine), tehnika u kojoj se najviše izražava je ulje. Njegovim radovima likovno je opremljen ovaj broj našeg časopisa. Prezentirani su radovi u kojima je nastojao izraziti estetsku vrijednost boje, jednostavnost i homogenost oblika. Tu je i nekoliko portreta starijih ljudi, koji se odlikuju snažnije izraženom fizionomijom.,

ADNAN KALJANAC, magistar historijskih nauka, rođen 1976. godine u Sarajevu, gdje je završio osnovnu i srednju školu. Studij historije na Filozofskom fakultetu u Sarajevu upisao je školske 2001/2002. godine, gdje je i diplomirao (s ocjenom deset /10/). Na istom fakultetu školske 2006./2007. godine nastavio je postdiplomski studij iz Historije Bosne i Hercegovine – smjer ilirologija, koji je završio, ispunivši sve obaveze u predviđenom roku i odbranivši magistarski rad na temu *Etnogeneza Ilira u svijetlu novih saznanja.*, Kao član istraživačkog tima učestvovao je

na iskopavanjima nekoliko arheološkog lokaliteta, od kojih su najznačajnija: Kri-voglavci kod Vogošće, 2006. godine, Tur-ska kosa kod Topuskog, Republika Hr-vatska (u organizaciji Arheološkog zavoda Filozofskog fakulteta u Zagrebu i Muzeja grada Karlovca), 2007. godine, lok. Te-kije u Blagaju na Buni, 2008. godine itd. Bio je član međunarodnog tima na georadarskim istraživanjima lokaliteta rimske Ilidže i Bijele Tabije (organizatori: Uni-versity of Pennsylvania, Boston University i Filozofski fakultet Univerziteta u Saraje-vu), učestvovao na nekoliko savjetovanja i konferencija.,

IZUDIN KEŠETOVIĆ, redovan profes-sor Ekonomskog fakulteta Univerziteta u Tuzli, rođen je 1953. godine u Srebreniku, osnovno i srednje obrazovanje završio u rodnom mjestu, Ekonomski fakultet i pos-tdiplomski studij na Ekonomskom fakul-tetu u Sarajevu, gdje je stekao zvanje ma-gistra ekonomskih nauka (1983. godine). Doktorirao je na Ekonomskom fakultetu u Tuzli 1989. godine na temi *Finansiranje i finansijska analiza u službi privrednog ra-zvoja*. Zvanje redovnog profesora na užoj naučnoj oblasti *Finansije* stekao je 2008. godine. Uže područje njegovog interesovanja su finansije javnog sektora i mone-tarno-kreditna politika. Od diplomiranja i sticanja zvanja diplomiranog ekonomiste do danas radio je neprekidno u mnogim segmentima privrednog i društvenog života. Privreda: od stručnog saradnika, finansijskog direktora, direktora preduzeća, generalnog direktora složenog poslov-nog sistema. Državna uprava: izvršna vlast na nivou opštine, okruga i države; zakonodavna vlast na nivou opštine, kantona i države; visoko obrazovanje: u svim zva-

njima, od asistenta pripravnika do redov-nog profesora. Objavio je preko 100 nauč-nih radova i saradivao u mnogim stručnim i naučnim publikacijama, bio organizator i aktivan učesnik više od 20 stručnih i naučnih skupova. Autor je 11 knjiga i studi-ja, od kojih izdvajamo sljedeće: *Ekonom-ska stvarnost Bosne i Hercegovine* (1999.), *Novac i bankarski sistem* (2002.), *Finan-sije*, drugo izdanje (2002.), *Budžeti, po-rezi i vlast – Reforma finansijskog sistema* (2002.), *Monetarne finansije* (2007.),

ADIL OSMANOVIĆ, magistar poli-tičkih nauka, potpredsjednik Republike Srpske, rođen 1963. godine u Lukavcu. Osnovnu i srednju školu završio je u rod-nom mjestu, a Filozofski fakultet u Prišti-ni, 1990. godine. Magistrirao je na Fakul-tetu političkih nauka u Sarajevu, 2007. godine, obavljao je nekoliko visokih poli-tičkih dužnosti: od 2000. – 2002. bio je poslanik u Skupštini Republike Srpske, od 2005. potpredsjednik SDA BiH itd. Bio je organizator i učesnik više naučnih skupo-va i konferencija, te saradnik nekoliko li-stova i časopisa.,

EDIN RAMIĆ, magistar pravnih nau-ka, rođen 1972. godine u Brčkom. Osnovu školu završio je u rodnom Gornjem Rahi-ću, srednju u Brčkom, a Filozofski fakultet Univerziteta u Tuzli (Odsjek historija–ge-ografija) 1998. godine. Postdiplomski stu-dije je završio i magistrirao, 2005. godine, na Pravnom fakultetu Univerziteta u Sara-jevu, gdje uskoro očekuje i odbranu dok-torske disertacije. Trenutno radi kao pro-fesor u Gimnaziji u Brčkom, a saraduje i sa Pravnim i Filozofskim fakultetom Uni-verziteta u Tuzli. Od strane Apelacionog i Osnovnog suda Brčko distrikta Bosne i Hercegovine imenovan je za stalnog sud-

skog vještaka iz *oblasti procjene vrijednosti šteta kulturno-historijskog nasljeđa* za područje Brčko distrikta BiH. Sarađivao je i objavljivao u više naučnih, stručnih i društvenih časopisa i listova koji tretiraju raznu društveno-historijsku i pravnu problematiku: *Ljudska prava* – časopis za sve pravno-političke probleme (Institut za ljudska prava Pravnog fakulteta u Sarajevu), *Biljeg Srebrenika* – časopis za kulturnu historiju (Srebrenik), *Most* (Mostar), itd. U svom dosadašnjem radu priredio je više prikaza i recenzija, a učestvovao je i na nekoliko okruglih stolova u zemlji i inostranstvu,

koji su za teme imali već spomenute oblasti, na kojima je podnio i referate.,

NIZAMA SALIHEFENDIĆ, doktor medicinskih nauka, rođena je 1957. godine u Gračanici, gdje je završila osnovnu i srednju školu. Diplomirala je na Medicinskom fakultetu u Sarajevu, 1980. godine, gdje je i magistrirala 2001., a doktorirala na Medicinskom fakultetu Tuzla 2004. godine (detaljnije biografske i bibliografske podatke o ovoj našoj novoj saradnici objavljujemo u rubrici „Predstavljamo: doktori nauka s područja Gračanice” u ovom broju Časopisa). □